



Tajuk Khutbah:

AQIDAH YANG TERGADAI

Cadangan Bacaan 10 atau 17 Mac 2023M / 17 atau 24 Sya'aban 1444H

الْحَمْدُ لِلَّهِ الَّذِي أَنْعَمَنَا بِنِعْمَةِ الْإِيمَانِ وَالْإِسْلَامِ وَأَفْهَمَنَا مِنْ عُلُومِ الدِّينِ وَالْعَقِيدَةِ،
وَيَبِّئَ لَنَا وَأَرْشَدَنَا الْأَخْلَاقَ الْكَرِيمَةَ وَالْأَعْمَالَ الصَّالِحَةَ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ؛ فَاتَّقُوا اللَّهَ، عِبَادَ اللَّهِ، أَوْصِيكُمْ وَإِيَّايَ بِحَقِّ التَّقْوَى، وَرَاقِبُوهُ فِي السِّرِّ وَالنَّجْوَى.

SIDANG JUMAAT YANG DIRAHMATI ALLAH SEKALIAN,

Bertakwalah kalian kepada Allah **سُبْحَانَهُ وَتَعَالَى** dengan sebenar-benar ketakwaan. Hanya dengan rasa takutkan Allah sahajalah dapat membentuk pemikiran dan tindakan kita setara dengan akidah, syariat dan akhlak Islam.

Pada sidang Jumaat hari ini, khatib menyeru agar jemaah sekalian memberikan sepenuh tumpuan kepada apa yang khatib sampaikan. Khatib ingin mengingatkan agar jemaah sekalian meninggalkan urusan dunia sebentar, pasangkan *mode* senyap pada telefon bimbit, jangan berbual-bual, tidak menggerakkan tabung kutipan Jumaat serta berikanlah sepenuh perhatian kepada

khutbah ini. Mudah-mudahan isi khutbah pada hari ini dapat dipanjangkan kepada ahli keluarga masing-masing. Tajuk khutbah pada minggu ini adalah **“AQIDAH YANG TERGADAI.”**

SIDANG JUMAAT SEKALIAN,

Baru-baru ini negara kita digemparkan dengan satu tayangan filem menggunakan platform internet yang secara jelas menghina syariat dan membelakangkan perasaan umat Islam di negara ini. Filem ini diarahkan oleh seorang yang beragama Islam. Manakala penulis skrip dan pelakonnya juga melibatkan beberapa orang Muslim. Konklusi daripada filem ini telah menggagaskan satu pemikiran bahawa semua agama adalah sama dan setiap individu berhak memilih agama yang dirasakannya benar.

Sebelum itu, negara kita juga gempar melalui media sosial mengenai video beberapa orang Islam yang mengikuti perarakan agama lain sambil melaungkan slogan agama tersebut tanpa ada rasa bersalah.

Begitu juga, baru-baru ini sebuah video memaparkan beberapa orang lelaki bersama minuman yang dinyatakan sebagai *“beer”* dan meminumnya dengan membaca perkataan bismillah. Walaupun kemudiannya dijelaskan oleh pemilik video bahawa *beer* itu adalah jenis yang tiada alkohol namun paparan tersebut telah menimbulkan fitnah dan keresahan dalam masyarakat.

Ketiga-tiga isu yang khatib sebutkan sebentar tadi melibatkan perkara yang paling asas terhadap keimanan seseorang kepada Allah **سُبْحَانَهُ وَتَعَالَى** serta syariat yang dibawa oleh Baginda Nabi **صَلَّى اللَّهُ عَلَيْهِ وَسَلَّمَ**.

SIDANG JUMAAT SEKALIAN,

Sedarlah, bahawa naratif songsang berkaitan akidah melalui media terbuka atau media internet sedang mula dipopularkan oleh pihak yang berniat jahat terhadap syiar agama Islam di negara ini. Justeru, dapat kita simpulkan bahawa krisis akidah yang sedang berlaku dalam kalangan masyarakat Islam bukanlah perkara terpencil lagi.

Bermain-main dengan perkara akidah dan memperleceh hukum-hakam dalam agama boleh menyebabkan seseorang itu murtad, yakni terkeluar daripada agama Islam. Sama ada seseorang itu bergurau, berlakon, sementelah lagi bercakap secara sedar dan waras. Kita semua amat maklum berkaitan masalah akidah ini kerana masing-masing mempunyai asas agama yang baik ketika kecil dahulu melalui mulut guru-guru agama kita.

Namun, apa yang berlaku sekarang menunjukkan segelintir umat Islam yang sama ada benar-benar jahil atau sengaja menggadaikan akidah kerana menurut sangat hawa nafsu dan merelakan diri dipergunakan orang lain. Imam al-Zarkasyi رحمه الله menyatakan bahawa:

مَنْ تَكَلَّمَ بِكَلِمَةِ الْكُفْرِ هَازِلًا ، وَلَمْ يَقْصِدْ الْكُفْرَ كَفَرَ

Maksudnya: "*Sesiapa yang berkata perkataan yang membawa kepada kufur secara sengaja tanpa niat untuk kufur maka beliau dikira murtad.*"

SIDANG JUMAAT SEKALIAN,

Perkara akidah adalah asas kepada seseorang yang mengimani Allah سبحانه وتعالى sebagai Tuhan dengan sifat-sifat serta zat kesempurnaan-Nya.

Mengimani sekalian Rasul Allah ﷺ, kitab-kitab serta syariat yang dibawa oleh mereka. Kemudian mengimani setiap perkara-perkara *sam'iyat* seperti syurga, neraka, dosa dan pahala.

Justeru, setiap niat, tindakan, pemikiran dan tutur kata yang mengingkari perkara akidah yang khatib sebutkan tadi, kita sudah meletakkan keimanan kita dalam jurang bahaya. Bila-bila masa sahaja iman kita boleh tergadai.

SIDANG JUMAAT RAHIMAHUMULLAH,

Allah berfirman dalam surah al-Zumar, ayat 7:

إِنْ تَكْفُرُوا فَإِنَّ اللَّهَ غَنِيٌّ عَنْكُمْ وَلَا يَرْضَىٰ لِعِبَادِهِ الْكُفْرَ وَإِنْ تَشْكُرُوا يَرْضَهُ لَكُمْ وَلَا تَزِرُ وَازِرَةٌ وِزْرَ أُخْرَىٰ ثُمَّ إِلَىٰ رَبِّكُمْ مَرْجِعُكُمْ فَيُنَبِّئُكُمْ بِمَا كُنْتُمْ تَعْمَلُونَ إِنَّهُ عَلِيمٌ بِذَاتِ الصُّدُورِ ﴿٧﴾

Maksudnya: “Kalaupun kiranya kamu kufur engkar (tidak syukur) akan nikmat-nikmatnya itu, maka ketahuilah bahawa sesungguhnya Allah tidak berhajatkan (iman dan kesyukuran) kamu (untuk kesempurnaannya), dan ia tidak redhakan hamba-hamba-Nya berkeadaan kufur, dan jika kamu bersyukur, ia meredhainya menjadi sifat dan amalan kamu. Dan (ingatlah!) seseorang yang memikul tidak akan memikul dosa perbuatan orang lain (bahkan dosa usahanya sahaja). Kemudian kepada Tuhan kamulah tempat kembalinya kamu, maka ia akan memberitahu kepada kamu tentang apa yang kamu telah kerjakan. Sesungguhnya ia amat mengetahui akan (segala isi hati) yang terkandung di dalam dada.”

Justeru sidang jemaah sekalian, tiga perkara terpenting dalam kehidupan seorang mukmin yang mana dapat memelihara akidah kita dari binasa.

Pertama: Seorang mukmin perlu mengenal siapa penciptanya. Seseorang tidak dapat mengenal Allah **سُبْحَانَهُ وَتَعَالَى** atau mendapat makrifah melainkan melalui jalan belajar.

Kedua: Setiap insan perlu tahu apa perkara yang memberi manfaat dan mudarat berkaitan hal ehwal akhirat mereka.

Ketiga: Seorang insan wajar beringat nasib dan keadaannya selepas tempoh kematiannya.

SIDANG JUMAAT SEKALIAN,

Nabi **صَلَّى اللَّهُ عَلَيْهِ وَسَلَّمَ** memulakan dakwahnya 10 tahun di bumi Makkah dengan memasukkan ketauhidan ke dalam dada-dada manusia. Justeru, Baginda amat tegas dalam perkara akidah. Ketika Baginda menguasai kota Makkah, Baginda mengarahkan agar 360 berhala dimusnahkan di sekeliling Ka'bah dan Makkah. Saidina Khalid al-Walid diarah meruntuhkan berhala terbesar iaitu al-Uzza yang terletak di Nakhlah. Saidina Amru al-As pula menghancurkan berhala Suwa', manakala Sa'd ibn Zaid pula menghapuskan berhala Manah. Begitulah tegasnya Baginda Nabi **صَلَّى اللَّهُ عَلَيْهِ وَسَلَّمَ** dengan kekufuran demi menjaga keimanan agar tidak terbatal kerana kesyirikan dan kekufuran. Allah **سُبْحَانَهُ وَتَعَالَى** berfirman dalam surah al-Baqarah, ayat 132:

وَوَصَّى بِهَا إِبْرَاهِيمُ بَنِيهِ وَيَعْقُوبُ يٰبَنِيَّ إِنَّ اللَّهَ اصْطَفَىٰ لَكُمُ الدِّينَ فَلَا تَمُوتُنَّ إِلَّا وَأَنتُمْ مُسْلِمُونَ ﴿١٣٢﴾

Maksudnya: *“Dan Nabi Ibrahim pun berwasiat dengan agama itu kepada anak-anaknya, dan (demikian juga) Nabi Yaakub (berwasiat kepada anak-anaknya)*

katanya: “Wahai anak-anakku! Sesungguhnya Allah telah memilih agama (Islam) ini menjadi ikutan kamu, maka janganlah kamu mati melainkan kamu dalam keadaan Islam.”

SIDANG JEMAAH YANG DIRAHMATI ALLAH,

Sebagai kesimpulan khutbah pada hari ini:

Pertama: Istiqamahkan diri dan ahli keluarga masing-masing agar terus mempelajari ilmu akidah sebaik mungkin. Ilmu sekadar di sekolah yang ada masih tidak mencukupi untuk memahami selok belok akidah. Justeru, hadirlah berkuliah di masjid, surau, madrasah atau di mana-mana institusi yang diiktiraf berkaitan tauhid.

Kedua: Peringatkan diri dan ahli keluarga kita bahawa unsur-unsur liberalisasi agama melalui media sosial dan internet sekarang sedang berlegar di tangan-tangan anak-anak kita. Justeru, andai ada isu-isu akidah yang timbul, duduklah bersama anak-anak dan bicarakan isu ini dengan pertimbangan hukum.

Ketiga: Akidah yang kita amalkan di Malaysia adalah **Ahli Sunnah wal Jama’ah** mengikut aliran **Al-Asy’ari wal Maturidi**. Pegangan ini juga adalah pegangan majoriti ulama dan umat Islam di dunia.

بِسْمِ اللَّهِ الرَّحْمَنِ الرَّحِيمِ

وَالْعَصْرِ ❶ إِنَّ الْإِنْسَانَ لَفِي خُسْرٍ ❷ إِلَّا الَّذِينَ ءَامَنُوا وَعَمِلُوا الصَّالِحَاتِ وَتَوَّصَوْا بِالْحَقِّ
وَتَوَّصَوْا بِالصَّبْرِ ❸

Maksudnya: “Demi Masa! Sesungguhnya manusia itu dalam kerugian, kecuali orang-orang yang beriman dan beramal soleh, dan mereka pula berpesan-pesan dengan kebenaran serta berpesan-pesan dengan sabar.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ، إِنَّهُ هُوَ
الْغَفُورُ الرَّحِيمُ.



خطبة كدوا بولن مچ

2023M/ 1444H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ، وَزِينَةَ
عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ، ثُمَّ
اعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾ [الأحزاب:

[56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ، وَارْضَ
اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ،
وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ
مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَّا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ. اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan

segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٥٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ
يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٥١﴾